

經籍典第九十五卷

易經部易學別傳一

漢焦氏易林一 乾之第一

乾 道陟多阪胡言連蹇譯瘠且聾莫使道通請謁不行求事無功

坤 招殃來螫害我邦國病傷手足不得安息

屯 陽孤亢極多所恨惑車傾蓋亡身常憂惶乃得其願雌雄相從

蒙 鵠鵠鳴鳩專一無尤君子是則長受嘉福

需 目瞶足動喜如其願舉家蒙寵

訟 龍馬上山絕無水泉喉焦唇乾舌不能言

剝之否

師 倉盈庾億宜種黍稷年豐歲熟民人安息

一作國家富有人民蕃息與比之升坤之恆同

比 中夜犬吠盜在牆外神明祐助消散皆去

小畜 据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道

與坤同

否 載日晶光驂駕六龍祿命徹天封爲燕王

同人 子號索哺母行求食反見空窠訾我長息

大有 上帝之生福祐日成修德行惠樂且安寧

謙 山險難登澗中多石車馳轡擊載重傷軸擔負差蹟踈跌右足

豫 禹鑿龍門通利水源東注滄海民得安從

一作存

隨 乘龍上天兩蛇爲輔踴躍雲中遊觀滄海民樂安處

蠱 彭祖九子據德不殆南山松柏長受嘉福

臨 南山昊天刺政閱身疾悲無辜背憎爲仇

觀 江河淮海天之奧府衆利所聚可以饒有樂我君子

噬嗑 堅冰黃鳥常哀悲愁不見甘粒但見藜蒿數驚驚鳥爲我心憂

賁 室如懸磬既危且殆早見之士依山谷處

剝 大禹戒路蚩尤除道周匝萬里不危不殆見其所使無所不在

復 三人爲旅俱歸北海入門上堂拜謁主母飲勞我酒

无妄 傳言相誤非於徑路鳴鼓逐狐不知跡處

大畜 三年爭妻相逐奔馳終日不食精氣勞疲

頤 純服黃裳戴上以興德義既生天下歸仁

大過 桀跖並處人民愁苦擁兵荷糧戰於齊魯

坎 黃鳥來集既嫁不答念我父兄思復邦國

離 胎生孚乳長息成就充滿帝室家國昌富

咸 三人求橘反得大栗女貴以富黃金百鎰

恆 東山西岳會合俱食百家送從以成恩福

遯 眇鷄無距與鵠交鬪翅折目盲爲鳩所傷

古今圖書集成
大壯 卻大牆壞蠹衆木折狼虎爲政天降罪罰高弑望夷胡亥以斃

晉 三癡俱走迷路失道惑不知歸反入患口

明夷 弓矢俱張把彈折弦丸發不至道遇害患

家人 三女求夫不見復關伺候山隅長思憂歎

睽 陽旱炎炎傷害禾穀穡人無食耕夫嘆息

蹇 騎狔逐羊不見所望徑陟虎廬亡羝失羔

解 暗昧冥語相傳詿誤鬼魅所舍誰知臥處

損 姬姜祥淑二人偶食論仁議福以安王室

益 公孫駕驅載聘東齊延陵說產遺季紵衣

夬 孤竹之墟失婦亡夫傷於蒺藜不見少妻東郭棠姜武氏以亡

姤 仁政不暴鳳凰來會四時順節民安其處

萃 任勞力薄辱驚恐怯如蝟見鵠不敢拒格

升 衛侯東遊藏於少姬亡我考妣久逝不來

困 嚶嚶所言莫如我垣歡喜堅固可以長安

大有之屯

井 龜鳴岐山鼃應山淵男女媾精萬物化生文王以成爲開周庭

革 元黃虺隤行者勞疲役夫憔悴踰時不歸

鼎 謬足則跟不私出門市賈不利折亡爲患

震 懸貮素餐居非其安失輿剝廬休坐徒居

艮 民怯伐惡姦人所伏寇賊大至入我邦郭妻子係獲

一本爲歸妹辭

漸 陽低頭陰仰首水爲凶傷我寶進不利生其子

歸妹 背北相憎心意不同如火與金

一本爲艮辭

豐 太微帝室黃帝所值藩屏固衛不可得入常安無患

旅 繭栗犧牲敬享鬼神嗜飲食受福多孫

巽 出門逢惡爲患爲怨更相擊刺傷我手端

兌 鷁飛中退舉事不進宋人亂潰

渙 跛踦相隨日暮牛罷陵遲後旅失利亡雌泰之復同

節 龍角博顙位至公卿世祿久長起動安寧

中孚 舜升大禹石夷之野徵詣王庭拜治水師之小畜同

小過 從風放火荻芝俱死三害集亡叔子中傷

既濟 梗生荆山命制輪班袍衣剝脫夏熱冬寒飢餓枯槁衆人莫憐

未濟 長面大鼻來解己憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼醜毒爲國災患

需 霜降閉戶蟄蟲隱處不見日月與死爲伍

小畜之解

訟 天之德室溫仁受福衣裳所在凶惡不起

師 皇陛九重絕不可登謂天蓋高未見王公

比 孔德如玉出於幽谷飛上喬木鼓其羽翼輝光照國

小畜 五範四軌復得饒有陳力就列騶虞悅喜

四足無角君子所服南征述職以惠我國

履 敝笱在梁魴逸不禁漁父勞苦連室乾口

泰 雷行相逐无有攸息戰於平陸爲夷所覆

否 六龍爭極服在不飾謹慎管鑰禁結无出

同人 長男少女相向共語折薪在尅福祿歡喜

大有 遷延惡人使德不通炎火爲殃禾稼大傷

謙 修其翰翼隨風向北至虞夏國與舜相得年歲大樂邑無盜賊

豫

鉛刀攻玉堅不可得盡我筋力眠繭爲疾

比之大過

隨

舉袂覆目不見日月衣裳簠簋就長夜室

泰之臨同

蠱

賊人傷德大怒不福斬刈宗社失其邦國

臨

白龍赤虎戰鬪俱怒蚩尤敗走死於魚口

觀

北辰紫宮衣冠立中含和建德常受天福

需之夬坤之解俱同

噬嗑

稷爲堯使西見王母拜請百福賜我嘉子

賁

二人異趣反覆迷惑一身五心亂無所得

剝

南山大獍盜我媚妾怯不敢逐退而獨宿

復

衆尤所逐反作尖怪九身无頭魂驚魄去不可以居

无妄

延頸遠望昧爲目病不見叔姬使伯心憂

大畜

典冊法書藏在蘭臺雖遭亂潰獨不過災

大有之恆

頤

自衛反魯時不可與冰炭異室仁道隔塞

大過 瘤瘻禿疥爲身瘡害疾病癘殘常不屬遠

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安

比之蠱
賁之睽

咸 膏澤肥壤農人豐儉利居長安歷世無患

乾之師
比之升

恆 倉盈庾億宜種黍稷年豐歲熟民得安息

遯 鷗鶚破斧邦人危殆賴旦忠德轉禍爲福傾危復立

大壯 歲饑无年虐政害民乾溪驪山秦楚結冤

晉 柳潔累累締結難解嫫母銜嫁媒不得坐自爲身禍

明夷 訾隙開門鶴鳴彈冠章甫進用舞韶和鸞三人翼事國無災患

家人 姊妹本居與類相扶願慕羣醜不離其友

睽 邯鄲反言父兄生患涉此憂恨卒死不還

蹇 二人逐兔各爭其得愛妾善走多獲其子

解

北辰紫宮衣冠立中含和建德常受天福

坤之觀
需之夬

損

拜跪請免不得其哺俛首銜枚低頭北去

益

鷁盜我珠逃於東隅求我郭墟不見所居

夬

一簣兩舌妄言謀訣三姦成虎曾母投杼

姤

伯虎仲熊德義洵美使布五穀陰陽順序

一作孤獨特處莫與爲旅身
自勞苦使布五穀陰陽順序

萃

褰衣涉河澗流淩多賴過舟子濟脫無他

升

憑河登山道路阻難求事少便

困

兔置之容不失其恭和謙致樂君子攸同

井

三女求夫伺候山隅不見復關泣涕漣洏

革

螟蟲爲賊害我五穀簞筥空虛家無所食

需之
明夷

鼎

望尙阿衡太宰周公藩屏輔弼福祿來同

震

三年生狗以戍其母荆夷上侵姬伯出走

需之訟
否之姤

良塗回道塞求事不得

漸探懷得蚤所愿失道

一本下有無有凶憂善居漸好

歸妹飛蟻過道社多攪垣居之不安覆厭爲患

豐義不勝情以欲自傾幾危利龍折角摧頸

旅潼滂蔚蒼扶首來會津液下降流潦滂霈

巽白駒生芻猗猗盛姝赫誼君子樂以忘憂

兌車馳人趨卷甲相仇齊魯寇戰敗於犬丘

渙舉首望城不見子貞使我悔生

節龍鬪時門失理傷賢內畔生賊則生禍難

中孚安如泰山祿祜屢臻雖有虎豹不敢危身

小過初憂後喜與福爲市八佾列陳飲御嘉友

訟之坎

既濟持刀操肉對酒不食夫行從軍少子入獄抱膝獨宿

未濟

陰衰老極陽建其德履離戴光天下照明功業不長蝦蟆大王

否之无妄大有之臨

屯之第三

屯

兵征大宛北出玉關與胡寇戰平城道西七日糧絕身幾不全

乾

汎汎柏舟流行不行耿耿寤寐心懷大憂仁不逢時復隱窮居

坤

採薪得麟大命隕顛豪雄爭名天下四分

豫之未濟

蒙

山崩谷絕大福盡竭涇渭失紀玉曆盡已

需

夏臺羗里文王所厄侯輪賄商王解合

訟

泥津汙辱棄捐溝瀆所共笑哭終不顯錄

師

李梅冬實國多盜賊擾亂並作君不得息

同人之損

比

獐鹿逐牧飽歸其居反還次舍无有疾故

訟之小畜

小畜

夾河爲婚期至无船淫心失望不見所歡

履

百足俱行相輔爲強三聖翼事王室寵光

比之无妄

泰 坐位失處不能自居調攝違和陰陽顛倒

否 登几上與駕駟南遊合從散橫燕秦以強

同人 三系維繫无益於輔域弱不守郭君受討

大有 河伯大呼津不得渡船空无人往來亦難

謙 甘露醴泉太平機關仁德感應歲樂民安

師之兌

豫 重茵厚席循高採藿雖蹟不懼後反其處

一云猿墮高木癢蹠手足保我金玉還歸其室

隨 太乙駕騶從天上來徵我叔季封爲魯侯无有凶憂

蠱 南已大安石斛戟天所指不已已老復一將蠹乃嫁墟敝室舊更爲新家

臨 家給人足頌聲並作四夷賓服于戈韜閣

一作觀卦

觀 東鄰嫁女爲王妃后莊公築館以尊主母歸於京師季姜悅喜

否之既濟一作臨卦

噬嗑 陳媯敬仲兆興齊姜營丘是適八世大昌

姤之師比之豫

賁 路多枳棘步刺我足不利旅客爲心作毒

損卦同

剝 天官列宿五神室屋空門完堅君安其居

復 牧羊稻園聞虎呻喧懼畏惕息終免禍患

否之節

无妄 鳴條之災北奔大胡左衽爲長國號匈奴主君旄頭立尊單于

大畜 剋身潔己逢禹巡狩錫我元圭拜受錫佑

頤 冬華不實國多盜賊疾病難醫鬼哭其室

大過 襄送季女至於蕩道齊子旦夕留連久處

坎 朽根倒樹花葉落去卒逢火焱隨風偃仆

離 陰變爲陽女化作男治道得通君臣相承

咸 炎絕續光光滅復明簡易理得仍成乾功

恆 多載重負捐棄於野王母誰子但自勞苦

遯 江河海澤衆利安宅可以富有飲御嘉客

大壯 冬採薇蘭地凍堅難利走東北暮无所得

晉 烏鵲嘻嘻天火將起燔我室屋災及妃后

明夷 蠱室蜂戶螫我手足不可進取爲身害咎

履之泰

家人 崔嵬北嶽天神貴客溫仁正直主布恩德開衣不見蒙受大福

睽 伯蹇叔盲莫與守牧失我衣裘代己除服

蹇 爲季求婦家在東海水長無船不見欣歡

解 山陵丘墓魂魄失舍精神盡竭長寢不覺

損 蹄牛失角下山傷軸失其利祿過在誰孰

益 水載船舶無根以浮往來溶溶心勞且憂

夬 有鳥來飛集於古樹鳴聲可惡主將出去

姤 東徙不時觸患離憂并泥无濡思叔舊居

萃 黃帝所生伏羲之字兵刃不至利以居止

履之家

升 東山拯亂處婦思夫勞我君子役使休止

困 跛躓未起失利後市不得鹿子

井 大蛇當路使我畏懼湯火之災切近我膚賴其天幸趨於主廬損之比

革 從容長閒遊戲南山拜祠祀神神使免患一作震卦

鼎 區脫康居慕仁入朝湛露之歡三爵畢恩復歸野廬與母相候

震 龜鼈列市河海饒有長財善賈商季悅喜一作革卦

艮 年常蒙慶今歲受福三伏採芑出君有得

漸 二人俱東道路爭訟意乖不同使我凶凶

歸妹 樹栽藿豆爲鹿兔食君不慎護秋无收入

豐 黃鳥悲鳴愁不見星困於鷺鷥使我心驚

旅 雙鳧俱飛欲歸稻池經涉荏澤爲矢所射傷我胸臆否之晉

巽 久客无休思歸故鄉霖雨盛溢道未得通

兌 道路僻除南至東遼衛子善辭使國无憂